

На хвалитех стихирь, на 4, глас 4:

Подобен: Званный свыше:

С небесе благодать прием,/ егда вопрошение учеником Спас,/ дванадесяточисленным рече апостолом:/ кого Мя глаголют человецы быти?/ Тогда убо лучший апостолов Пётр,/ богословствуя отвеща, ясно возопив:/ Ты еси Христос Живаго Бога Сын./ Темже достойно ублажается,/ яко свыше прием откровение,// вязати же и решити праведно прием.

Иже от Отца явлься Божие Слово,/ кого Мя непщуете вопрошающе Христу,/ Ты Живаго Отца Сын,/ яко всем уста богогласуя,/ абие возопил еси:/ темже и блажен еси Симоне вар Иона,/ возмездие приял еси./ Ибо славит Бог сего верно славящия,/ и к восприятию богато призывает,/ и камня тебе непостыдна Церкви водружение// и основание положи.

Свыше зван быв, а не от человек,/ егда земная тьма помрачи очи телесныя,/ нечестия обличая сетование:/ тогда небесный свет облиста мысленнии очи,/ благочестия открывая красоту./ Темже познал еси изводящаго свет из тьмы,/ Христа Бога нашего:// Егоже моли, спасти и просветити души наша.

Хриstopроповѣдник сый,/ крестную похвалу носяй,/ ты,
многорачительную Божественную любовь,/ яко зрящих связующую к
желаемому,/ воистинну паче всех проразсудил еси./ Тѣмже и узник
прозвался еси Христов,/ напастей неудобство, яко сладчайшее пищи
всякия изволивый,/ и честныя кончины разрешения сподобился еси,/
живый Владыце твоему:// Егоже моли, спасти и просветити души наша.

Слава, глас 6.

[Космы монаха:] Всечестный апостолов приспе праздник Церкви
Христове,/ ходатайствующий спасение всем нам./ Тайно убо
восплескавше, к сим рцем:/ радуйтесь светильницы,/ сущим во тьме
мысленнаго солнца зари облистяющей./ Радуйтесь, Петре и Павле, учений
Божественных основания незыблема,/ друзи Христовы, сосуди честнии:/
приидите посреди нас невидимо,/ сподобляюще даров невещественных,//
ваш праздник восхваляющих пѣсньми.

И ныне:

Богородице, Ты еси лоза истинная,/ возрастившая нам плод живота,/
Тебе молимся, молися, Владычице,/ со святыми апостолами,// помиловати
души наша.

Славословие великое. И отпуст.

На Литургии:

Блаженна, от канона апостола Петра, песнь 3-я, на 4. И Павла, песнь 6-я
на 4.

Прокимен, глас 8:

Во всю землю изыде вещание их, и в концы вселенныя глаголы их.

Стих: Небеса поведают славу Божию, творение же руку Его возвещает
 твердь.

Апостол к Коринфяном, зачало 193. [2 Кор. 11, 21 – 12, 9.]

Аллилуиа, глас 1: Исповедят небеса чудеса Твоя, Господи:

Евангелие Матфея, зачало 67. [Мф. 16, 13 – 19.]

Причастен: Во всю землю:

Рядовой Апостол, и Евангелие вычитаем прежде.

На трапезе утешение братии великое.

Аще случится сей праздник святых апостол в среду или в пяток, ямы рыбу,
и пием вино.

Подобает ведати: яко аще случится праздник святых апостол в неделю:
предваряются вся воскресная.